

《中國地方志薈萃》編委會 編

中國地方志薈萃

中南卷·第一輯 肆

中國地方志薈萃

中南卷·第一輯

肆

《中國地方志薈萃》編委會 編



九州出版社
JIUZHOU PRESS

全國百佳圖書出版單位

乾隆黃州府志（四）

出版說明

乾隆黃州府志（四）

（清）王勛修 靖道謨纂

陶宗澍妻彭氏彭詒女幼許聘宗澍澍病顛不可活
陶父請改盟氏引刀自持曰緣夫病而再字非人
類也此生誓爲陶氏婦矣父知不可奪乃歸於陶
扶持夫病寢處不寧者二載夫亡氏年十八誓死
如初苦節三十三年康熙四十四年旌

張棠妻蕭氏年二十夫歿奉舅姑以孝稱撫遺孤炳
彪登鄉薦康熙四十七年旌

生員吳曄妻程氏夫染病性卞急氏多方承順夫卒
撫孤成立叔程某貧老無子氏典釵珥與納妾生

二子苦節三十七年康熙五十三年 旌

生員程翥妻郭氏年十九適程七載無所出勸夫納妾生子甫一歲夫卒姑老氏朝夕服侍不少離教子殿邦成名康熙五十三年 旌

監生彭萊妻程氏萊病危以母老子幼爲慮程引錐刺血滴萊身以明其志萊卒竭力奉姑撫二子啓錢嗣錢爲諸生啓錢娶盧氏未二載而亡盧感姑節操亦矢志死守立從子偉業爲嗣程以康熙五十三年 旌

生員王謫妻張氏夫早喪無子含斂後卽閉戶自經
以救甦自是移榻姑室姑病五載晨昏服侍無怠
撫從子爲嗣值山水暴溢倉皇不及避他所居皆
傾頽氏室獨無恙獲免仆歷雍正元年旌

生員江彭年妻孟氏年二十五夫亡奉兩世孀姑倍
加敬愛歲連歉氏勤紡績以供甘旨自食薇蕨撫
半歲孤嚴慈並至雍正四年旌

祝烈女許字程國泰國泰遠出貿易于歸愆期有李
亞言者嘆其父以飲食謀娶之父諾詐令女同母

往視已嫁姊道經李門初至家逼成婚女執不從
自刎死附葬程氏祖塋雍正六年旌

以上見
省志

生員王顯盛妻江氏年二十二夫亡遺孤甫十月氏
艱辛撫之守節數十年乾隆元年旌

彭承芳妻鄭氏乾隆元年旌

尹啓明妻朱氏年二十一守節奉姑撫子輝成立氏
後病篤媳孟氏割股以救乾隆三年旌

盧濂妻鍾氏乾隆三年旌

生員盧漳妻王氏年十八夫死絕粒自經以救免撫

從子爲嗣復天又撫從孫爲孫乾隆三年旌

吳遂妻陳氏乾隆四年以烈婦旌

彭貞女許聘張炳龍未嫁而炳龍死女守貞不字乾隆四年旌

張貞女舉人張棣女許聘鍾壻未嫁而壻死女矢志不字乾隆四年旌

程乃武妻金氏乾隆六年旌

生員吳翔鳳妻陳氏年二十四夫以省父卒於外氏迎柩歸守節四十六年乾隆八年旌

生員吳泓妻馮氏乾隆九年旌

劉文元妻秦氏年十九夫亡奉孀姑撫八月孤成立
守節三十七年乾隆十一年旌

新州李本纂妻何氏年二十五夫亡撫孤坦及澤厚成名
坦任趙州牧迎養氏服御素樸無異貧苦時卒年
八十二封宜人康熙三十七年旌

范貞女興國州同范愷女年十八許字國學生張士
瀨未娶而張卒女往哭痛絕以救甦遂守志張宅
事舅姑盡孝撫從子榑爲嗣年五十三卒康熙五

十六年旌

生員李澤潤妻金氏廣濟金德嘉女年二十七夫卒
姑老子幼皆倚氏爲存亡與姑同卧起承歡曲至
撫子永芳爲諸生康熙戊辰武昌兵譟氏適省母
龍坪道梗不得歸遣永芳間道往衛姑指佩刀曰
卽有急吾當自裁雍正二年旌

董開智妻張氏年二十四夫亡無子撫從子爲嗣守
節三十六年雍正二年旌

李之綰繼妻諸氏幼穎慧通女史年十七適李逾年

生子生槃甫三月夫卒總理家政教槃及前室二子桂采俱成名年五十八卒雍正三年旌

監生王琦妻熊氏年二十八夫卒事姑盡孝撫二子俱成立守節三十年雍正三年旌

梅春幹妻陳氏夫早卒撫子希中以節聞雍正三年旌

張大綸妻王氏年二十四夫歿舅姑垂白二子翼軫俱幼誓死養老撫孤後次子及兩媳並喪又撫諸孫孫媳程氏亦青年守節王苦節五十餘年雍正

三年旌

陳旣均妻錢氏年二十適陳生二子觀文觀武夫卒
姑欲奪其志不從守節以老雍正三年旌

陳正芳妻吳氏年十九適陳二子俱襁褓夫病篤氏
齧指血滴夫掌中誓以養親撫孤自任服闋歸寧
其母微諷以改適氏痛哭奔回剪髮焚夫靈前終
身不至母家守節三十四年雍正九年旌

以上
省志

李永觀妻顧氏年二十八夫卒事祖姑存沒盡禮教
子敷生爲明經苦節三十六年乾隆二年旌

張仕繩妻李氏夫早卒撫孤正珩復天與媳何氏撫
遺腹孫守節四十四年李以乾隆三年旌

生員張棻妻王氏年二十六守節撫子女各一姑姪
倍服衰麻以伸夫志乾隆五年旌

張仕起妻駱氏年二十四守節撫從子爲嗣乾隆五
年旌

張必相妻羅氏 張拱辰妻王氏乾隆五年以姑媳
雙節旌

張盛濤妻蔡氏 張盛熹妻田氏乾隆五年以姊姪

雙節旌

王作霖妻陳氏年二十九夫亡撫二幼孤守節三十四年乾隆五年旌

張復禮妻郭氏年二十二夫亡家貧苦節五十餘年乾隆五年旌

王民懷妻鄭氏年二十五夫死撫四歲孤復天僅一孫相依從子既孫與從子俱早逝氏遂與從媳孫媳同榻以守苦節五十五年乾隆六年旌

劉峰妻呂氏年二十八夫亡撫二孤守節三十六年

乾隆六年旌

田本起妻嚴氏 田本貴妻徐氏二氏夫早卒各撫
二孤乾隆六年以娣姒雙節旌

吳奎佐妻張氏年十八夫亡撫三月孤守節三十五
年乾隆六年旌

楊眉公妻陳氏年二十一夫亡撫從子爲嗣乾隆六
年旌

胡備三妻陳氏年二十八夫卒訓遺孤成名苦節五
十五年乾隆六年旌

教諭陳治猷妻張氏 妾劉氏夫歿時張年二十九

無出劉年二十五生一子張撫之如已出張守節
二十年劉守節四十年俱乾隆七年 旌

張宗霖妻張氏 張明萬妻朱氏乾隆八年以姑媳
雙節 旌

生員王亮猷妻易氏年二十九夫卒無子撫從子爲
嗣娶媳而天氏與媳張氏相依撫厥三孫乾隆八
年 旌

宋景榮妻張氏 生員宋之煌妻陳氏 生員宋世